



# საქართველო GEORGIA

გარემოს დაცვისა და  
სოფლის მეურნეობის  
სამინისტრო

MINISTRY OF ENVIRONMENTAL  
PROTECTION AND AGRICULTURE  
OF GEORGIA

N 14083/01  
29/12/2021

14083-01-2-202112292258



## საქართველოს საავტომობილო გზების დეპარტამენტი

საქართველოს გარემოს დაცვისა და სოფლის მეურნეობის სამინისტრომ განიხილა თქვენი N21115 სკრინინგის განცხადება, რომელიც ეხება საქართველოს საავტომობილო გზების დეპარტამენტის მიერ თელავის მუნიციპალიტეტში, მდ. სტორის ნაპირსამაგრი (ნაპირდაცვითი) სამუშაოების განხორციელებას.

გაცნობებთ, რომ სსიპ გარემოს ეროვნული სააგენტოს ინფორმაციით (2017 წლის საინფორმაციო გეოლოგიური ბიულეტენი), სკრინინგის განცხადებით წარმოდგენილი საპროექტო 450 მ-იანი გაბიონის (GPS კოორდინატები: X – 535949.88, Y – 4659900 და X – 536068.87, Y – 4659477.71) მოწყობის ადგილის მიმდებარედ, მდ. სტორის მარჯვენა მხარეს, ადგილი აქვს გვერდით ეროზიულ მოქმედებას, რომელიც იწვევს სოფ. ლალისყურის წყალმომარაგების სათავე ნაგებობის ტერიტორიის დატბორვას-დაშლამვას და მაგისტრალური მილსადენის თაროს დამცავი ბეტონის კუბებიანი ნაპირსამაგრის დეფორმაციას. ამასთან, მილსადენის ტრასის ზედა ნაწილში, მდ. სტორის მარჯვენა ფერდობზე, განვითარებულია მეწყრული სხეული, რომლის რეაქტივიზაცია ციკლურ ხასიათს ატარებს და აქტიური გვერდითი ეროზიული მოქმედების შედეგად მოსალოდნელია მისი კიდევ უფრო გააქტიურება. აღნიშნულ ადგილზე მდ. სტორი მიედინება ვიწრო კალაპოტში. მარცხენა ნაპირის გამაგრებამ შესაძლებელია გამოიწვიოს მარჯვენა ნაპირზე გვერდითი ეროზიული პროცესების გაძლიერება. აღნიშნულიდან გამომდინარე, საპროექტო უბანზე გასამაგრებელია მდინარის ორივე ნაპირი. ამასთან, ნაპირსამაგრი ნაგებობების მოწყობის ეტაპზე გათვალისწინებული უნდა იყოს მდ. სტორის ღვარცოფული ბუნება.

ყოველივე ზემოაღნიშნულიდან გამომდინარე, სამინისტრო სკრინინგის გადაწყვეტილების მიღების მიზნით იმსჯელებს მითითებული შენიშვნების შესაბამისად შესწორებული სკრინინგის განცხადების წარმოდგენის შემდეგ.

ნინო თანდილაშვილი

მინისტრის მოადგილე

